

朝陽縣志卷十二

山川一

地壳初結之時不甚堅固詩曰高岸爲谷深谷爲陵
屢有變遷實難定其方向位置自禹貢奠定以後雖
歷代沿革名號各殊而其實質則確乎其不可移以
山則有脈水則有源也好登臨者聞其名每欲見其
實及見其實反不如聞其名則是採訪者之誤編纂
者之誣耳茲特詳爲採訪據實編纂以期聞見之符

志山川

鳳凰山 在縣治河東十五里有古寺分上中下三處
住持盡青衣僧峯高數千尺絕頂就石鑿爲塔高數
丈勢欲摩天塔下數十武爲上寺有石洞頗寬廠洞
中有臥佛一係石像不知此佛於何代何年寢臥洞
中後即石洞復修寺院僧舍極高曠幽雅下行里許
爲中寺有一大塔係磚瓦所建築寺院較上寺稍廣
闊惟下寺在山下平地功程浩大院落寬宏廟宇甚
多有五佛閣大佛殿現多傾圮

麒麟山 在縣治河東二里許與鳳凰山連高亦相埒

前燕慕容氏於龍山之西築龍城此即龍山山下有寺名茅和尚洞依山傍水亦名聞仙洞

狼山 在縣治北八里許山勢平坦山之半坡有姑子庵娘娘廟爲遼三學寺故址尙有碑碣可稽詳見寺

觀門

帽兒山 城東二十里高不亞於麒麟山山頂有大石平覆如山之戴帽故名上有古洞一

二龍山 距縣二十里在林家窪郭家窩堡村南因慕容皝築龍城完竣登城南望有二龍見於此山故名

山之脈發於王樓山逶迤宛轉自西而東長三十餘里至靠山屯入凌河其形如倒木節節有水生焉山谷之中有寶鎮軍先人墳墓土脈肥沃樹木極多

和龍山 在縣東三十里地名柏木洞有古廟清同治年又重修廟內寶存古碑五尺許八角形字跡漫滅惟大遼興中府咸雍等字尙可辨識土人相傳爲前燕慕容皝行獵之處

大青山 在縣西北距縣八十里北與青溝梁相毗連山勢雄峻廣袤可數十里爲縣西北之鎮山山之四

圍懸崖壁立中央平坦寬闊惟一徑可通由北面清水井子村而上可容車馬初入有東西炮台各一皆生自天然石崖平坦可容數十人爲山之第一層守望重地至山巔有南北二城遺址猶存北城有井一井水澄清城不甚廣僅容一二人南城寬闊異常可居萬家面積亦數百畝因荒棄已久處處坑坎皆土人尋覓古物挖掘殆徧二城之間有石崖上有春磨係石鑿成者又有極高處爲瞭望之所登高遠眺視凌河如縷鳳山如垤縣治如村落而已南城之陽

有石洞名朝陽洞北城之西山巔有古刹一皆頽敗
斷碣殘碑無復存者不知所奉何神何寺也山周圍
石皆內向如厦其下可容人騎以避風雨故老相傳
古有竊據其地稱雄者山前後周數十里皆其勢力
所及親戚不得往來故土人又名爲斷親山賊將有
哈里虎者尤凶悍據豐都嶺

豐都嶺土人相傳即今之金廠溝梁

後爲

唐將羅成由苗家莊

苗家莊土人相傳即今之趙大把鄉也

喬妝入山

爲內應遂討平之

天橋山 大青山陽之支脈雙峯對峙如橋兩端之砥

柱上有橫亘山脈一條如石橋故名

西孤山 在青溝孤山子村西距縣七十里孤峯高聳
爲青溝右岸之門戶

馬山 在青溝邊家杖子村西距縣二十五里山麓橫
亘十餘里東南臨大野西北山脈蜿蜒皆大青山東
來之支脈也

花椒山 在青溝裏歪脖子溝村西距縣七十五里山
勢峭拔美秀可觀

光頭山 距縣五十里在青溝抬頭溝村西北盤踞衆

山之中山勢峻嶒自數十里外遙望見之

八角山 在宋家溝北四座塔溝川之右岸距縣四十里尾連羣山之脈首注大溪山巔突兀凌雲出羣峯之上

大孤山 距縣七十里在孤山子東西二村之間山勢嵯峨危崕疊嶂兩旁清溪環抱左岸紅石巒山右岸青峯頂山夾溪對峙前以小孤山爲映照後連崗陵綿延不絕者三十餘里山前有古寺一座佛殿輝煌廊廡旁列寺中碑碣林立松榆成林風韻清幽有道

家住持此

金寶山 在木頭城子西首傍凌河岸距縣百餘里作木鎮天然之水堤山陽石級上有插刀槍箭戟之痕又有足跡似着鞋靴者履而過之者山上有寺係清初建設石壁開孔處常見有蛇向日曝之

樓子山 脈發陰山距縣百餘里傍凌河南岸之山無不由此脈支出故生員劉鍾岱先生有詩云南望樓山超絕塞西來凌水入朝陽

靈山 位於凌河南岸樓子山之支脈也山不甚高挺

然中立如受羣山拜拱狀居其後者有九龍之崗映其前者有玉帶之河左有丹鳳之石右有落鹿之泉曩不著名自民國五六年間有董華榮劉殿寶等慈善家至此見山奇秀可愛欲創立慈航佛大廟一所當即籌款買之後山主王申以該等慈善家創立廟宇意在以神道設教於教育風化上大有補助乃不取其值毅然捨之

據礦學家云此山能產五金現有開石絨礦者

老座子山以爲凌朝建三縣之天然界限高峯插雲石壁摩天嶺上積雪終年不化蜿蜒不斷者五六十里

遙遙與大青山相對峙

塔子山 此山爲六家子鎮之西屏形似獅子其上有石塔一字跡模糊人云遼代物也山爲四層每層有平地數畝俱可建築房屋石洞之中僅修泰山神廟一所香烟最盛清嘉慶時在六家子設守備兵營即取此山爲守門之獅象也

王子殿山 此山在縣城南百餘里正峯係一平頂大可二十畝內有菜畦水井其西南峯之山頂開有石洞一東西可通過洞內廣數十畝形似石棚內有石

桌石凳足跡宛然相傳昔某王子曾在此駐兵扼守因以名焉洞內可容數千人又有石台一座云點兵台近來慈善家據此洞內修成佛殿五楹金碧輝煌更爲此山生色

鏡子山 在羊山鎮西北三十里平地陡起高矗雲表北連大柏山脈相傳古有寶鏡被異人收去故名

千佛山 在縣南百餘里有大遼碑碣字跡模糊山中多有石佛缺頭少臂者最多故名

柏木山 係鳳凰山分支蜿蜒南行至白廟子等處山

勢陡起紆迴爲柏木山峰巒起伏綿亘數十里

棋盤山 在缸窰嶺鎮西十里許山形古怪惟山頂平

坦勢若棋局山上有古時遺物遊山者常得之

香爐山 在缸窰嶺鎮北十五里之遙山脈綿延周圍

數十里山上有磐石二儼若香爐賊匪常盤踞於此

牛心山 在缸窰嶺鎮之西形如牛心峰頭矗立相傳

於日午之際聞有鐘鼓之聲

孤山子 在縣南二十家子河東山陽有古洞二形勢

寬濶水流淙淙東洞中建講堂十餘間據外人調查

該山爲火山線將來必有爆發之一日

天台山 在羊山鎮西南近年修築大石樓一座內供石佛樓起三層高約九丈九尺純用石砌不着木料

坡廟子山 在縣治東九十里其山頂平二畝許上有古井深數十丈就石礮鑿成自上擲金石於井內三十秒鐘始聞其聲後人以爲異遂建廟於斯至今仍飲此井之水

柏山 縣南百餘里南起上水泉爲小凌河之發源地北迄艾龍皋之八道河子南北蜿蜒一百二十餘里

層巒疊嶂雲烟繚繞爲大小凌河之分水嶺山半有
古城遺址有廢井旁有遼乾統八年安德州靈巖寺
碑蓋安德故城云

雲蒙山 縣南百餘里正峯高度約五千尺以上超過
柏山終年雲霧繞其峯頭因此得名柴木現尙薈蔚
禽獸飛走其間者至夥近山人家每逢冬季獵取狼
狐以生活者不下數十家山之東麓有古廟一名曰
梧桐廟之東面爲通州嶺實通奉界之要路終歲車
馬往來商賈絡繹自山西面望之如六折屏風小凌

河繞行其下遠近安瑩卜宅者均採取此山之靈秀人立正峯望見渤海灣茫茫然一白無際峯內有菜畦片瓦歷歷可數相傳神女修道之所後爲遼人駐兵云又峯之西面有石洞一高丈餘斜深無底洞下有水泉一碧澄清日日蒸發水汽結爲雲帽此山之名所由來也

大孤山 獨峙於雲蒙柏山五頂小孤四山之間厥名曰大孤山高度在四千尺以上孤峰突兀靈秀異常附近安瑩卜宅者顯宦輩出青島衛士每稱此山爲